

百名家

七十八

南朝
梁

江醴陵下

東	文	開	內
三四四	三七一	九	漢
六	九	七	書
第	冊	號	類

東	文	開	內
三六一	三七一	九	漢
四	九	七	書
架	冊	號	類

內閣文庫	
番號	漢 3717
冊數	99 (68)
函號	361 51



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



江醴陵

集卷之二

淺草文庫

梁

濟陽江

淹著

明

太倉張

溥閱

樂府

銅爵妓

武皇去

金閣英威長寂寞。雄劍頓無光。雜佩亦


銷鑠

秋至明月圓。風傷白露落。清夜何湛湛。孤

燭映

蘭幕。撫影愴無從。惟懷憂不薄。瑤色行應

罷。紅芳幾為樂。徒登歌舞臺。終成螻蟻郭。



採菱曲

秋日心容與、涉水望碧蓮、紫菱亦可採、試以緩
愁年、參差萬葉下、泛漾百流前、高彩隘通壑、香
氛麗廣川、歌出權一作趙女曲、舞入江南絃、乘龍
非逐俗、駕鯉乃懷仙、衆美信如此、無恨在一作出
清泉、

齊籍田樂歌二首

永明四年籍田
詔江淹造歌

迎送神升歌

羽鑿從動金、駕時遊、教騰義、鏡樂綴前修、率先
丹藕躬、遵綠疇、靈之聖之、歲殷澤柔、

饗神歌

瓊學旣飾、繡簋以陳、方爨嘉種、永毓宵民、

牲出入歌

祝詳史具、禮備樂薦、有牲在陳、有鼓在懸、騰燭
象星、奔水類電、郊燎夙戒、駟彼乘駟、以何質明
以佇神晏、

薦豆呈毛血歌辭

時恭時祀，有物有則。伊我上聖，實抱明德。犧象
交陳，鬱尊四塞。黍惟嘉穀，酒惟玄默。薦通蒼祇，
慶覃黎黑。願靈之降，祚家祐國。

奏宣列之樂歌舞

殷崇配天，周尊明祀。瑞合汾陰，慶同泰時。青幕
雲舒，丹殿霞起。二曜惟新，五精告始。于以享之，
景福是履。

齊鳳皇銜書伎辭

宋世有此辭，齊初
詔中書郎江淹改。

皇齊啓運，從瑤璣靈鳳。銜書集紫微，和樂既洽。
神所依，超商卷夏。耀英輝，永世壽昌。聲華飛。

江醜陽集 卷二
逖去國旌山氣亘百里山色與雲平喬松日夜
竦紅霞旦夕生徒慙恩原槩空抱春施名仰願
光威遠歲晏返柴荆

從冠軍建平王登廬山香爐峰

廣成愛神鼎淮南好丹經此山具鸞鶴往來盡
仙靈瑤草正翕翹玉樹信蔥青絳氣下縈薄白
雲上杳冥中坐瞰蜿蜒俛仕視流星不尋遐恠
極則知耳目驚日落長沙渚曾陰萬里生籍蘭
素多意臨風默含情方學松栢隱差逐市井名
幸承光誦末伏思託後旌

從建平王遊紀南城

恭承此嘉惠末官至南荆歛衽依光采端笏奉
仁明再逢綠草台重見翠雲生江甸知禮富漢
渚聞教清君王澹以思樹羽望楚城年積衣劍
滅地遠宮館平錦帳終寂寞綵瑟秘音英丹沙
信難學黃金不可成遷化每如茲安用貴空名
流巖慘中懷凝意方自驚願借若木景長照憂
人情

望荆山

奉義至江漢。始知楚塞長。南關繞桐栢。西嶽出
魯陽。寒郊無留影。秋日懸清光。悲風撓重林。雲
霞肅川漲。歲晏君如何。零淚霑衣裳。玉柱空掩
露。金尊坐含霜。一聞苦寒奏。再便豔歌傷。

步桐臺

客子畏霜雪。憂至竟悠哉。綺帷生網羅。寶刀積
塵埃。思君出漢北。鞍馬登楚臺。歲綵合雲光。平
原秋色來。寂聽積空意。凝望信長懷。蕙芬自有

美、光、景、詎、徘徊、山中忽緩駕、暮雪將盈階。

秋至懷歸

悵然集漢北、還望岨山田、泐泐百重壑、參差萬
里山、楚關帶秦隴、荆雲冠吳烟、草色斂窮水、木
葉變吳川、秋至帝子降、客人傷嬋娟、試訪淮海
使、歸路成數千、蓬驅未止極、旌心徒自懸、若華
想無慰、憂至定傷年。

渡西塞望江上諸山

南國多異山、襍樹共冬榮、潺湲夕澗急、嘈嘈晨

江醜陽集 卷二 九
鳴鳴石林上參錯流沫下縱橫松氣鑑青藹霞
光鑠丹英望古一凝思留滯桂枝情結友愛遠
岳採藥好長生當畏佳人晚秋蘭傷紫莖海外
果可學歲暮誦仙經

赤亭渚

吳江泛丘墟饒桂復多楓水夕潮波黑日暮精
氣紅路長寒光盡鳥鳴草木窮瑤水雖未合珠
霜竊過中坐識物序晏臥視歲陰空一傷千里
極獨望淮海風遠心何所類雲邊有征鴻

渡泉嶠出諸山之頂

岑峯蔽日月左右信艱哉萬壑共馳騫百谷爭
往來鷹隼旣厲翼蛟魚亦曝鰓崩壁迭枕臥嶺
石屢盤迴伏波未能鑿樓船不敢開百年積流
水千歲生青苔行行詎半景余馬以長懷南方
天炎火魂兮可歸來

僊陽亭

擊淚訪亭候茲地乃閩城萬古通漢使千載連
吳兵瑤礪夏斬卒銅山鬱縱橫方水埋金甌圓

江醜陽集 卷二
岸伏丹瓊，下視雄虹照。俯看綵霞明，桂枝空命折。烟氣坐自驚，劒逕差前檢。岷山慙舊名，伊我從霜露。僕御復孤征，楚客心命絕。一願聞越聲。

遊黃蘗山

長望竟何極，闔雲連越邊。南州饒竒怪，赤縣多靈仙。金峰各虧日，銅石共臨天。陽岫照鸞采，陰谿噴龍泉。殘杙千代木，磨崖萬古烟。禽鳴丹壁上，猿嘯青崖間。秦皇慕隱淪，漢武願長年。皆負雄豪威，棄劒爲名山。况我葵藿志，松木橫眼前。

所若同遠好，臨風載悠然。

還故園

漢臣泣長沙，楚客悲辰陽。古今雖不舉，茲理亦宜傷。山中信寂寥，孤景吟空堂。北地三變露，南簷再逢霜。竊值寰海闢，仄見圭綈昌。浮雲抱山川，遊子御故鄉。遽發桃花渚，適宿春風塲。紅草涵電色，綠樹鑠烟光。高歌徭關國，微歎依笙篁。請學碧靈草，終歲自芬芳。

劉僕射東山集

蕭蕭雲色滋，惟愛起長思。喬木嘯山曲，征鳥怨
水湄。共惜玉樽暮，願是舊集光陰遲。紳裳視絕
雲，銜意方此時。誦飾江臯駕，終從海濱詩。

陸東海譙山集

杳杳長役思，思來使懷濃。恒忌光氛度，藉蕙望
春紅。青莎被海月，朱華冒水松。輕風暖長嶽，雄
虹赫遠峰。日暮崦嵫谷，參差綵雲重。永願白沙
渚，遊衍遂相從。丹山有琴瑟，不爲憂傷容。

無錫縣歷山集

秋生白露日，思起秋風年。竊悲杜蘅暮，擊涕弔
空山。落葉下楚水，別鶴噪吳田。嵐氣陰不極，日
色半虧天。酒至情蕭瑟，憑樽還惘然。一聞清琴
奏，歔泣方留連。况乃客子念，直置絲竹間。

外兵舅夜集

丹林一葉舊，碧草從此空。烟光拂夜色，華舟盪
秋風。歛意悵何已，極望情思中。瑤瀾寂以晏，若
采能幾終。暮心亦誰寄，江臯桂有叢。

貽袁常侍

昔我別楚水，秋月麗秋天。今君客吳坂，春色縹
一作媚春泉。幽冀生碧草，沉湘含翠烟。鑠鑠霞上
景，懵懵雲外山。涉江竟何望，留滯空採蓮。駐情
光氣下凝然，琴瑟前珠貝。性明潤蘭玉，好芳堅
不以宿昔阻，懷愧期暮年。

古意報袁功曹

從軍出隴北，長望陰山雲。涇渭各異流，恩情於
此分。故人贈寶劍，鏤以瑤華文。一言鳳獨立，再
說鸞無群。何得晨風起，悠哉凌翠氛。黃鵠去千
里，垂涕為報君。

寄丘三公

昔我學冠劍，逢君在三川。何意風雨激，一訣異
東西。叶菊秀空應奪，蘭芳幾時堅。常恐握手畢，
黯如光絕天。安得明月珠，擊涕寄吳山。

臥疾怨別劉長史

四時煎日夜，玉露催紫榮。始懷未及歎，春意秋
方驚。涼草散螢色，衰樹斂蟬聲。馮景魂且謚，臥
堂怨已生。承君客江潭，先愁鴻鴈鳴。吳山饒離

袂楚水多別情、金堅碧不滅、桂華蘭有英、無輟
代上朝、豈惜鏡中明、但見一葉落、哀恨方未平
燈夜和殷長史
冬盡綵葉暮、金石亦懷傷、冰鱗不能起、水鳥望
川梁、客子仿永夜、寂寞幽意長、臥歇丹丘采、坐
失曾泉光、結眉慘成慮、銷憂非羽觴、此心異可
緩、清芷在沅湘、

贈鍊丹法和殷長史

琴高遊會稽、靈變竟不還、不還有長意、長意希
童顏、身識本爛熳、光曜不可攀、方驗參同契、金
竈鍊神丹、頓捨心知愛、永卻平生歡、玉牒裁可
卷、珠藥不盈篋、譬如明月色、流采映歲寒、一待
黃冶就、青芬遲孤鸞、

從蕭驃騎新帝壘

鯢妖毀王度、虹氣咀王猷、上宰軫靈略、宏威肅
廣謀、縣嶮冒戈堞、乘嶠架烽樓、燕兵歌越水、代
馬思吳州、金笳夜一遠、明月信悠悠、雲色被江
出、烟光帶海浮、開襟夾蒼宇、拓遠局溟洲、折日

承丹谷總駕臨青丘，仄待颼霧晏，方從畎壑遊。

惜晚春應劉秘書

烟景抱空意，蘅杜綴幽心。心憂望碧葉，涵影顧青林。風光多樹色，露華翻蕙陰。水苔方下蔓，石蘿日上尋。霞衣已具帶，仙冠不待簪。徒爲多委鬱，精魄還自臨。始獲瓊歌贈，一點重如金。山中有禱桂，玉瀝乃共斟。

秋夕納涼奉和刑獄舅

蕭條晚秋景，旻雲承景斜。虛堂起青靄，崦嵫生暮霞。空居寂以歛，左右自幽歌。騎星謝箕尾，濯髮慙陽阿。年歇玄圃壁，歲減天津波。金簫哀夜長，瑤琴怨暮多。四時通信黯，春風日夜過。楚水徒有蘭，憂至竟如何。

郊外望秋答殷博士

白露掩江臯，青蒲平地蕪。長夜亦何際，銜思久踟蹰。企余重蘭貝，清才富金踰。獨豔始東山，擅麗終西都。雲精無永滯，水碧豈暫濡。屬我嵒景半，賞爾若光初。折麻異離羣，紉蕙非索居。頻贈

既雅歌還懷詠知書

冬盡難離和丘長史

閒居深悵悵颼寒拂中閨寶禮自千里
縑書果君題山川吐幽氣雲景抱長懷
茲別亦爲遠潮瀾鬱東西汀臯日慘色
桂閣猿方啼擘意誰侘條屑涕在心垂
杜蘅念無沫石蘭終不睽異總歲暮駕
遊行蒼山蹊

池上酬劉記室

戚戚憂可結結憂視春暮紫荷漸曲池
臯蘭覆

徑路蔥蒨亘華堂蓋葢雜綺樹爲此久佇立容
易光陰度水館次文羽山葉下暝露懷賞入舊
襟悅物覽新賦惜我無雕文報章慙復素

吳中禮石佛

幻生太浮詭長思多沈疑疑思不慙炤詭生寧
盡時敬承積劫下金光鑠海湄火宅斂焚炭藥
草匝卉滋常願樂此道誦經空山坻禪心暮不
雜寂行好無私軒騎久已訣親愛不留遲憂傷
漫漫情靈意終不溜誓尋青蓮果永人梵庭期

採石上菖蒲

瑤琴久蕪沒，金鏡廢不看。不見空閨裏，縱橫愁
 思端。緩步遵汀渚，揚柁泛春瀾。電至烟流綺，水
 綠桂涵丹。憑酒竟一作未悅，半景方自歎。每為
 憂見及，杜若豈能寬。冀採石上草，得以駐餘顏。
 赤鯉儻可乘，雲霧不復還。

禱體三十首

有序

夫楚謠漢風，既非一骨。魏製晉造，固亦二體。譬
 猶藍朱成彩，雜錯之變無窮。宮商為音，靡曼之

態不極。故蛾眉詎同貌，而俱動於魄。芳草寧共
 氣，而皆悅於魂。不其然歟。至於世之諸賢，各滯
 所迷。莫不論甘而忘辛，好丹而非素。豈所謂通
 方廣恕，好遠兼愛者哉。乃及公幹仲宣之論，家
 有曲直，安仁士衡之評。人立矯抗，况復殊於此
 者乎。又貴遠賤近，人之常情。重耳輕目，俗之恒
 蔽。是以邯鄲托曲於李奇，士季假論於嗣宗。此
 其效也。然五言之興，諒非復古。但關西鄴下，既
 已罕同。河外江南，頗為異法。故玄黃經緯之辨

金碧浮沈之殊。僕以為亦各具選作合其美兼善而已。今作三十首詩，數其文體，雖不足品藻淵流，庶亦無乖商確云爾。

古離別

遠與君別者，乃至鴈門關。黃雲蔽千里，遊子何時還。送君如昨日，簷前露已團。不惜蕙草晚，所悲道里寒。君在天一涯，妾身長別離。願一見顏色，不異瓊樹枝。兔絲及水萍，所寄終不移。

李都尉陵從軍

樽酒送征人，踟躕在親宴。日暮浮雲滋，握手淚如霰。悠悠清川水，嘉魴得所薦。而我在萬里，結友一作髮不相見。袖中有短書，願寄雙飛燕。

班婕妤詠扇

紈扇如團月，出自機中素。畫作秦王女，乘鸞向烟霧。彩色世所重，雖新不代故。竊愁涼風至，吹我玉階樹。君子恩未畢，零落在中路。

魏文帝曹丕遊宴

置酒坐飛閣，逍遙臨華池。神飈自遠至，左右芙蓉

蓉披綠竹夾清水，秋蘭被幽崖。月出照園中，冠
珮相追隨。客從南楚來，爲我吹參差。淵魚猶仗
浦，聽者未云疲。高文一何綺，小儒安足爲。蕭蕭
廣殿陰，雀聲愁北林。衆賓還城邑，何用慰我心。

陳思王曹植贈友

君王禮英賢，不恡千金璧。雙闕指馳道，朱宮羅
第宅。從容氷井臺，清池映華薄。涼風盪芳氣，碧
樹先秋落。朝與佳人期，日夕望青閣。褰裳摘明
珠，徙倚捨蕙若。眷我二三子，辭義麗金縷。延陵

輕寶劍，季布重然諾。處富不忘貧，有道在葵藿。

劉文學楨感遇

蒼蒼山中桂，團團霜露色。霜露一何繁，桂枝生
自直。橘柚在南國，因君爲羽翼。謬蒙聖王私，託
身文墨職。丹彩旣已過，敢不自雕飾。華月照芳
池，列坐金殿側。微臣固受賜，鴻恩良未測。

王侍中絜懷德

伊昔值世亂，秣馬辭帝京。旣傷蔓草別，方知杖
杜情。嶠函蕩選作復丘墟，冀闕緬縱橫。倚棹泛涇

涓。日暮山河清。蟋蟀依素選作桑野。嚴風吹枯莖。

鸛鳴在幽草。客子淚已零。去鄉三十載。幸遭天

下平。賢主降嘉賞。金貂服玄纓。侍宴出河曲。飛

蓋遊鄴城。朝露竟幾何。忽如水上萍。君子篤恩

義。柯葉終不傾。福履既所綏。千載垂令名。

稽中散康言志

曰余不師訓。潛志去世塵。遠想出宏域。高步超

常倫。靈鳳振羽儀。戢景西海濱。朝食琅玕實。夕

飲玉池津。處順故無累。養德乃入神。曠哉宇宙

惠。雲羅更四陳。哲人貴識義。大雅明庇身。莊生

悟無為。老氏守其真。天下皆得一。名實久相賓

咸池饗爰居。鐘鼓或愁辛。柳惠善直道。孫登庶

知人。寫懷良未遠。感贈以書紳。

阮步兵籍詠懷

青島海上遊。鸞斯蒿下飛。浮沉不相宜。羽翼各

有歸。飄飄可終極。沆瀣安是非。朝雲乘變化。光

耀世所希。精衛銜木石。誰能測幽微。

張司空華離情

江酉陽集 卷二
秋月映簾櫳，懸光入丹墀。佳人撫鳴琴，清夜守空帷。蘭徑少行迹，玉臺生網絲。庭樹發紅彩，閨草含碧滋。延佇整綾綺，萬里贈所思。願垂湛露惠，信我皎日期。

潘黃門岳述哀

青春速天機，素秋馳白日。美人歸重泉，悽愴無終畢。殯宮已肅清，松栢轉蕭瑟。俯仰未能弭，尋念非但一。撫衿悼寂寞，恍然若有失。明月入綺窓，髣髴想蕙質。銷憂非萱草，永懷寄夢寐。夢寐

復冥冥，何由覲爾形。我慙北海術，爾無帝女靈。駕言出遠山，徘徊泣松銘。雨絕無還雲，華落豈留英。日月方代序，寢興何時平。

陸平原機羈宦

諸后降嘉命，恩紀被微身。明發眷桑梓，永歎懷密親。流念辭南澨，銜怨別西津。驅馬遵淮泗，旦夕見梁陳。服義追上列，矯迹廁宮臣。朱黻咸髦士，長纓皆俊民。契濶承華內，綢繆踰歲年。日暮聊總駕，逍遙觀洛川。殂歿選作多拱木，宿草凌

寒烟遊子易感慨，躑躅還自憐。願言寄三鳥，離思非徒然。

左記室思詠史

韓公淪賣藥，梅生隱市門。百年信荏苒，何用苦心魂。當學衛霍將，建功在河源。珪組賢君賜，青紫明主恩。終軍才始達，賈誼位方尊。金張服貂冕，許史乘華軒。王侯貴片議，公卿重一言。太平多歡娛，飛蓋東都門。顧念張仲蔚，蓬蒿滿中園。

張黃門協苦雨

丹霞蔽陽景，綠泉涌陰渚。水鶴巢層甍，山雲潤柱礎。有奔興春節，愁霖貫秋序。燮燮涼葉奪，戾戾風舉高。談翫四時索，居慕儔侶。青茗一作茗。日夜黃芳蕤，成宿楚。歲暮百慮交，無以慰延佇。

劉太尉琨傷亂

皇晉遘陽九，天下橫氛霧。秦趙值薄蝕，幽并逢虎據。伊余荷寵靈，感激狗馳驚。雖無六奇術，冀與張韓遇。甯戚扣角歌，桓公遭乃舉。荀息冒險難，實以忠貞故。空令日月逝，愧無古人度。飲馬

出城濠北望沙漠路千里何蕭條白日隱寒樹
投袂旣憤懣撫枕懷百慮功名惜未立玄髮已
改素時哉苟有會治亂惟冥數

盧郎中謔感交

大厦須異材廊廟非庸器英俊著世功多士濟
斯位眷顧成綢繆乃與時髦匹姻媾久不虧契
濶豈但一逢厄旣已同恣危非所恤常慕先達
槩觀古論得失馬服爲趙將疆場得清謐信陵
佩魏印秦兵不敢出慨無握中策徒慙素絲質

羈旅去舊京感遇踰琴瑟自顧非杞梓勉力在
無逸更以畏友朋濫吹乖名實

郭弘農璞遊仙

崦山多靈草海濱饒竒石偃蹇尋青雲隱淪駐
精魄道人讀丹經方士鍊玉液朱霞入窓牖曜
靈照空隙傲睨摘木芝陵波採水碧眇然萬里
遊矯掌望烟客永得安期術豈愁濛汜迫

孫廷尉綽禱述

太素旣已分吹萬著形兆寂動苟有源因謂殤

子天道喪涉千載津梁誰能了。思乘扶搖翰卓然凌風矯靜觀尺極義理足未嘗少。問問秋月明憑軒詠堯老浪迹無虫妍然後君子道領畧歸一致南山有綺皓交臂久變化傳火乃薪草。亶亶玄思清曾中去機巧物我俱忘懷可以狎鷗鳥。

許徵君詢自叙

張子闇內機。單生蔽外像。一時排冥筮。泠然空中賞。遣此弱喪情。資神任獨往。采藥白雲隈。聊

以肆所養。丹葩曜芳蕤。綠竹陰閒敞。茗茗寄意勝。不覺凌虛上。曲樯激鮮飈。石室有幽響。去矣從所欲。得失非外獎。至哉操斤客。重明固已朗。五難旣灑落。超迹絕塵網。

殷東陽仲文興矚

晨遊任所萃。悠悠蘊真趣。雲天亦遼亮。時與賞心遇。青松挺秀萼。惠色出喬樹。極眺清波深。緬映石壁素。瑩情無餘滓。拂衣釋塵務。求仁旣自我。玄風豈外慕。直置忘所宰。蕭散得遺慮。

謝僕射混遊覽

信矣勞物化、憂襟未能整、薄言遵郊衢、總轡出
臺省、淒淒節序高、寥寥心悟永、時菊耀巖阿、雲
霞冠秋嶺、眷然惜良辰、徘徊踐落景、卷舒雖萬
緒、動復歸有靜、曾是迫桑榆、歲暮從所乘、舟壑
不可攀、忘懷寄匠郢、

陶徵君潛田居

種苗在東臯、苗生滿阡陌、雖有荷鋤倦、濁酒聊
自適、日暮巾柴車、路闇光已夕、歸人望烟火、稚

子、侯、簷、隙、問、君、亦、何、為、百、年、會、有、役、但、願、桑、麻
成、蠶、月、得、紡、績、素、心、正、如、此、開、逕、望、三、益、

謝臨川靈運遊山

江海經邇迴、山嶠備盈缺、靈境信淹留、賞心非
徒設、平明登雲峰、杳與盧霍絕、碧障長周流、金
潭恒澄徹、洞林帶晨霞、石壁映初晰、乳竇既滴
瀝、丹井復寥泝、崑崙轉奇秀、岑峯還相蔽、赤玉
隱瑤溪、雲錦被沙汭、夜聞猩猩啼、朝見麝鼠逝、
南中氣候暖、朱華凌白雪、幸遊建德鄉、觀奇經

禹穴身名竟誰辨、圖史終磨滅、且泛挂水潮、映
月遊海溼、攝生貴處順、將爲智者說、

顏特進延之侍宴

太微疑帝宇、瑤光正神縣、揆日粲書史、相都麗
聞見、列漢構仙宮、開天製寶殿、桂棟留夏飈、蘭
橈停冬霰、青林結冥濛、丹巘被五臣蔥蒨、山雲
備卿霑、池卉具靈變、重陽集清氛、下輦降玄宴、
驚望分寰遂、曠曠盡都甸、氣生川嶽陰、烟滅淮
海見、中坐溢朱組、步欄遙瓊弁、禮登佇睿情、樂

闕延皇眎、測恩躋愉逸、公牒儻浮賤、承榮重兼
金、李善作榮巡華過盈瑱、敢飾輿人詠、方慙淥
水薦、重饒兼金

謝法曹惠連贈別

昨發赤亭渚、今宿浦陽汭、方作雲峰異、豈伊千
里別、芳塵未歇席、零李善淚猶在袂、入聲停臚望
極浦、弭棹阻風雪、風雪旣經時、夜永起懷思、汎
濫北湖遊、茗李善亭南樓期、點翰詠新賞、開袞
瑩所疑、摘芳愛氣馥、拾蘂憐色滋、色滋畏沃若、

江西南陽集 卷二
人事亦銷鑠、子衿怨勿往、谷風諳輕薄、共乘延
州信、無慙仲路諾、靈芝望三秀、孤筠情所託、所
託已殷勤、祇足攬懷人、今行嶠嶮外、銜思至海
濱、覲子杳未偃、欵睇在何辰、雜珮雖可贈、疏華
竟無陳、無陳心捐勞、旅人豈遊遨、幸及風雪霽、
青春滿江臯、解纜候前侶、還望方鬱陶、烟景若
離遠、未響寄瓊瑤、

王徵君微養疾

窈靄瀟湘空、翠澗澹無滋、寂歷百草晦、歛吸鴟
雞悲、清陰往來遠、月華散前墀、鍊藥矚虛幌、汎
瑟臥遙帷、水碧驗未黷、金膏靈詎淄、北渚有帝
子、蕩瀆不可期、悵然山中暮、懷痾屬此詩、

袁太尉淑從駕

宮廟禮哀敬、粉邑道嚴玄、恭潔由明祀、肅駕在
祈年、詔徒登季月、戒鳳藻行川、雲旆象漢徙、宸
網擬星懸、朱耀麗寒渚、金鍔映秋山、羽衛藹流
景、綵吹震沈淵、辨詩測京國、履籍鑒都鄽、昨誦
響玉律、邑頌被丹絃、文軫薄桂海、聲教燭冰天、



江酉陽集 卷二
和惠頒上笏、恩渥浹下筵、幸侍觀洛後、豈慕巡河前、服義方無沫、展歌殊未宣、

謝光祿莊郊遊

肅舫出郊際、徒樂逗江陰、翠山方藹藹、青浦正沈沈、涼葉照沙嶼、秋榮冒水潯、風散松架險、雲鬱石道深、靜默鏡縣野、四睇亂層岑、氣清知鴈引、露華識猿音、雲裝信解轍、烟駕可辭金、始整丹泉術、終覲紫芳心、行光自容裔、無使弱思侵、

鮑參軍昭戎行

豪士枉尺璧、宵人重恩光、狗義非爲利、執羈輕去鄉、孟冬郊祀月、殺氣起嚴霜、戎馬粟不煖、軍士冰爲漿、晨上城臯坂、磧礫皆羊腸、寒陰籠白日、大谷晦蒼蒼、息徒稅征駕、倚劔臨八荒、鷓鴣不能飛、玄武伏川梁、鍛翮由時至、感物聊自傷、豎儒守一經、未足識行藏、

休上人怨別

西北秋風至、楚客心悠哉、日暮碧雲合、佳人殊未來、露彩方泛艷、月華始徘徊、寶書爲君掩、瑤

瑟詎能開、相思巫山渚、悵望陽雲臺、膏鑪絕沈
燎、綺席生浮埃、桂水日千里、因之平生懷、

學魏文帝

西北有浮雲、繚繞華陰山、惜哉時不遇、入夜值
霜寒、秋風聒地起、吹我至幽燕、幽燕非我國、窈
窕爲誰賢、少年歌且止、歌聲斷客子、

效阮公詩十五首

歲暮懷感傷、中夕弄清琴、戾戾曙風急、團團明
月陰、孤雲出北山、宿鳥驚東林、誰謂人道廣、憂

慨自相尋、寧知霜雪後、獨見松竹心、

十年學讀書、顏華尚美好、不逐世間人、鬪雞東
郊道、富貴如浮雲、金玉不爲寶、一旦鷓鴣鳴、嚴
霜被勁草、志氣多感失、淚下沾懷抱、

白露淹庭樹、秋風吹羅衣、忠信主不合、辭意將
訴誰、獨坐東軒下、雞鳴夜已晞、總駕命賓僕、遵
路起旋歸、天命誰能見、人蹤信可疑、

飄飄恍惚中、是非安所之、大道常不驗、金火每
如斯、恍慨少淑貌、便娟多令辭、宿昔秉心誓、靈

明將見期願從丹丘駕長弄華池滋
陰陽不可知鬼神惟杳冥暫試武帝貌一見李
后靈同情淪異物有體入無形賢聖共草昧仁
智焉足明變化未有極恍惚誰能精

若木出海外本自丹水陰群帝共上下鸞鳥相
追尋千齡猶旦夕萬世更浮沉豈與異鄉士瑜
瑕論淺深

夏后乘兩龍高會在帝臺榮光河雒出白雲蒼
梧來侍御多賢聖升降有群才四時有變化盛
明不徘徊高陽邈已遠竚立誰語哉

昔余登大梁西南望洪河時寒原野曠風急霜
露多仲冬正慘切日月少精華落葉縱橫起飛
鳥時相遇搔首廣川陰懷歸思如何常願反初
服閒步潁水阿

宵月輝西極女圭映東海佳麗多異色芬葩有
竒采綺縞非無情光陰命誰待不與風雨變長
共山川在人道則不然消散隨風改
少年學擊劔從師至幽州燕趙兵馬地唯見古

時丘登城望山水平原獨悠悠寒暑有往來功名安可留

擾擾當途子毀譽多埃塵朝生與馬間夕死衢路濱藜藿應見棄勢位乃爲親華屋爭結綬朱門競彈巾徒羨草木利不愛金碧身至德所以貴河上有丈人

華樹曜北林芬芳空自宣秋至白雲起蟋蟀號庭前中心有所思虛堂獨浩然安坐詠琴瑟逍遙可永年

假乘試行遊北望高山岑翩翩征鳥翼蕭蕭松栢陰感時多辛酸覽物更傷心性命有定理禍福不可禁唯見雲際鵠江海自追尋夕雲映西山蟋蟀吟桑梓零露被百草秋風吹桃李君子懷苦心感慨不能止駕言遠行遊驅馬清河涘寒暑更進退金石有終始光色俯仰問英豔難久恃

至人貴無爲裁魂守寂寥唯有馳騫士風塵在一朝輿馬相跨躍賓從共矜驕天道好盈缺春

華故秋凋，不知北山民，商歌弄塲笛。

就謝主簿宿

季月寒氣重，滋蘭錯無芳。北方漂夜色，河凝晷
如霜。悵哉心神晚，燭滅此深堂。菱衣如可贈，寧
濕岨雲梁。

無錫舅相送銜涕別

心遠路已迴，意滿辭未陳。曾風漂別蓋，北雲竦
征人。杯酒憐歲暮，志氣非上春。若無孤鳥還，瀝
泣何人所因。

當春四韻同 左丞

雷萌山中草，雲煦江上花。流烟漾璇景，輕風泛
凌霞。我有幽蘭念，銜意矚里斜。友人殊未還，獨
慰簷前華。

感春冰遙和謝中書二首

江臯桐始華，歛衣望邊亭。平原何寂寂，島暮蘭
紫莖。芬披好草合，流爛新光生。冰雪徒皦潔，此
焉空守貞。

暮意歌上眷，悵哉望佳人。擘洲之宿莽，命爲瑤。

江西南陽集 卷二
桂因觀書術不變學古道恒真若作商山客寄
謝丹水濱

詠美人春遊

江南二月春東風轉綠蘋不知誰家子看花桃
李津白雪凝瓊貌明珠點絳唇行人咸息駕爭
擬洛川神

征怨

蕩子從征久鳳樓簫管閒獨枕凋雲鬢孤燈損
玉顏何日邊塵淨庭前征馬還

清思詩

趙后未至麗陰妃非美極情理儻可論形有焉
足識帝女在河洲晦映西海側陰陽無定光
錯千萬色終歲如瓊草紅華長翕絕

師曠操雅操延子聆竒音玄鶴徒翔舞清角自
浮沉明瑄東南逝精絲西北臨白雲瑤池曲止
一作使淚滢滢

秋夜紫蘭生湛湛明月光偃蹇靈芝采容裔紫
華堂林木不拂蓋洪水寧漸裳倏忽南江陰照

曜北海陽從此長往來萬世無感傷
白露滋金瑟清風蕩玉琴空閨饒遠念虛堂生
夜陰茲夕一何衰明月沒西林世人重時暮道
士情亦深願乘青鳥翼徑出玉山岑
至德不可傳靈龜不可侶草木還根蒂精靈歸
妙理我學杳冥道誰能測窮已須待九轉成終
會長沙市

傷內弟劉常侍

金璧自蕙質蘭杜信嘉名丹綵旣騰迹華萼故

揚聲伊余方罷秀歎息向君榮誰疑春光曷何
遽秋露輕遠心惜近路促景怨長情風至衣袖
冷况復蟪蛄鳴白露泐漢沼明月空漢生長悲
離短意惻切吟空庭注歛東郊外流涕北山垌

悼室人十首

佳人永暮矣隱憂遂歷茲寶燭夜無華金鏡晝
恒微桐葉生綠水霧天流碧滋蕙弱芳未空蘭
深鳥思時湘醺徒有酌意塞不能持
適見葉簫條已復花菴鬱帳裏春風盪簷前還

江醜陽集 卷二 三
燕拂垂涕視去景、摧心向徂物、今悲輒流涕、昔
歡常飄忽、幽情一不弭、守歎誰能慰、
夏雲多禿色、紅光鑠毳鮮、苒弱屏風草、潭拖曲
池蓮、黛葉鑑深水、丹華香碧烟、臨綵方自弔、擊
氣以傷然、命知悲不絕、恒如注海泉、
駕言出遊衍、冀以滌心胷、復值烟雨散、清陰帶
山濃、素沙匝廣岸、雄虹冠尖峯、出風舞森桂、落
日暖圓松、還結生不念、楚客獨無容、
秋至擣羅紈、淚滿未能關、風光肅入戶、月華爲

誰來、結眉向珠網、瀝思視青苔、髮局將成葆、帶
減不須摧、我心若涵烟、益益滿中懷、

窓塵歲時阻、閨蕪日夜深、流黃夕不織、寧聞梭
杼音、涼靄漂虛座、清香盪空琴、蜻引知寂寥、蛾
飛測幽陰、乃抱生死悼、豈伊離別心、

顛顛氣薄暮、救救清衾單、階前水光裂、樹上雪
花團、庭鶴哀以立、雲雞肅且寒、方東有苦淚、承
夜非膏蘭、從此永黯削、萱葉焉能寬、
抒悲情雖滯、送任意所知、空座幾時設、虛帷無

久垂暮氣亦何勁嚴風照天涯夢寐無端際
恍有分離意念每失垂徒見四時虧
神女色姱麗乃出巫山湄逶迤羅袂下
鄣日望所思佳人獨不然戶牖絕錦綦
感此增嬋娟屑屑涕自滋清光澹且減
低意守空帷
二妃麗瀟湘一有乍一無佳人承雲氣
無下此幽都當追帝女迹出入泛靈輿
掩映金淵側遊豫碧山隅曖然時將罷
臨風還故居

本傳

江淹字文通濟陽考城人也少孤貧好學沈靜
少交遊起家南徐州從事轉奉朝請宋建平王
景素好士淹隨景素在南兖州廣陵令郭彥文
得罪辭連繫淹州獄淹獄中上書景素覽書即
日出之尋舉南徐州秀才對策上第轉巴陵王
國左常侍景素爲荊州淹從之鎮少帝卽位多
失德景素專據上流咸勸因此舉事淹每從容
諫曰流言納禍二叔所以同亡抵局銜怨七國

於○焉○俱○斃○殿○下○不○求○宗○廟○之○安○而○信○左○右○之○計○
則○復○見○麋○鹿○霜○露○棲○於○姑○蘇○之○臺○矣○景○素○不○納○
及○鎮○京○口○淹○又○爲○鎮○軍○參○軍○事○領○南○東○海○郡○丞○
景○素○與○腹○心○日○夜○謀○議○淹○知○禍○機○將○發○乃○贈○詩○
十○五○首○以○諷○焉○會○南○東○海○太○守○陸○澄○丁○艱○淹○自○
謂○郡○丞○應○行○郡○事○景○素○用○司○馬○柳○世○隆○淹○固○求○
之○景○素○大○怒○言○於○選○部○黜○爲○建○安○吳○興○令○淹○在○
縣○三○年○昇○明○初○齊○帝○輔○政○聞○其○才○召○爲○尚○書○駕○
部○郎○驃○騎○參○軍○俄○而○荆○州○刺○史○沈○攸○之○作○亂○高○

帝謂淹曰天下紛紛若是君謂何如淹對曰昔
項強而劉弱袁衆而曹寡羽號令諸侯卒受一
劍之辱紹跨躡四州終爲奔北之虜此謂在德
不在鼎公何疑哉帝曰聞此言者多矣試爲慮
之淹曰公雄武有奇畧一勝也寬容而仁恕二
勝也賢能畢力三勝也民望所歸四勝也奉天
子而伐叛逆五勝也彼志銳而器小一敗也有
威而無恩二敗也士卒解體三敗也搢紳不懷
四敗也懸兵數千里而同惡相濟五敗也故雖


江醜陽集 卷二
豺狼十萬。而終爲我獲焉。帝笑曰。君談過矣。是時軍書表記皆使淹具草。相國建補記室。參軍事。建元初。又爲驃騎。建安王記室。帶東武令。參掌詔冊。并典國史。尋遷中書侍郎。永明初。遷驃騎將軍。掌國史。出爲建武將軍。廬陵內史。視事三年。還爲驍騎將軍。兼尚書左丞。尋復以本官領國子博士。少帝初。以本官兼御史中丞。時明帝作相。因謂淹曰。君昔在尚書中。非公事不妄行。在官寬猛。能折衷。今爲南司。足以振肅百寮。

淹答曰。今日之事。可謂當官而行。更恐才劣。志薄。不足以仰稱明旨耳。於是彈中書令謝朓。司徒左長史王績。護軍長史庾弘遠。並以久疾不預山陵公事。又奏前益州刺史劉悛。梁州刺史陰智伯。並贓貨巨萬。輒收付廷尉治罪。臨海太守沈昭畧。永嘉太守庾曇隆。及諸郡二千石。并大縣官長。多被劾治。內外肅然。明帝謂淹曰。宋世以來。不復有嚴明中丞。君今日可謂近世獨步。明帝卽位。爲車騎臨海王長史。俄除廷尉卿。

江陰縣志 卷二
加給事中遷冠軍長史加輔國將軍出爲宣城太守將軍如故在郡四年還爲黃門侍郎領步兵校尉尋爲祕書監永元中崔惠景舉兵圍京城衣冠悉投名刺淹稱疾不往及事平世服其先見東昏末淹以祕書監兼衛尉固辭不獲免遂親職謂人曰此非吾任路人所知正取吾空名耳且天時人事尋當顛覆孔子曰有文事者必有武備臨事圖之何憂之有頃之又副領軍王瑩及義師至新林淹微服來奔高祖拔爲冠

軍將軍祕書監如故尋兼司徒左長史中興元年遷吏部尚書二年轉相國右長史冠軍將軍如故天監元年爲散騎常侍左衛將軍封臨沮縣開國伯食邑四百戶淹乃謂子弟曰吾本素宦不求富貴今之忝竊遂至於此平生言止足之事亦以備矣人生行樂耳須富貴何時吾功名旣立正欲歸身草萊耳其年以疾遷金紫光祿大夫改封醴陵侯四年卒時年六十二高祖爲素服舉哀賻錢三萬布五十匹謚曰憲伯淹

少以文章顯晚節才思微退時人皆謂之才盡
 凡所著述三百餘篇自撰為前後集并齊史十
 志並行於世子薦襲封嗣自丹陽尹丞為長城
 令有罪削爵普通四年高祖追念淹功復封薦
 吳昌伯邑如先



江醴陵集終

